



Heilbrigðisráðuneytið
Skógarhlíð 6
105 Reykjavík

Reykjavík, 19. maí 2020
VEL 2020050020

Efni: Umsögn velferðarsviðs Reykjavíkurborgar um tillögur að endurhæfingarstefnu.

Vísað er til máls nr. 86/2020 í samráðsgátt er varðar tillögur að endurhæfingarstefnu.

Síðustu misseri hefur verið lögð aukin áhersla á að styðja aldraðra í sjálfstæðri búsetu þannig að þeir flytjist seinna en ella inn á hjúkrunarheimili. Hefur endurhæfing aldraðra vegið þar þungt. Velferðarsvið Reykjavíkurborgar hefur orðið vart við marktækann mun á andlegri og líkamlegri færni notenda heimaþjónustu þegar þeir hafa lokið endurhæfingu. Þó hefur skort á fullnægjandi eftirfylgd þjónustunnar þannig að notendum takist að viðhalda umræddri færni eftir að endurhæfingu lýkur. Hið sama gildir um aðra hópa sem nýta sér þjónustu velferðarsviðs Reykjavíkurborgar. Mikilvægt er að endurhæfing sé ekki bundin við ákveðna staði heldur frekar tryggt að hún geti farið fram þar sem viðkomandi notandi býr og starfar. Velferðarsvið Reykjavíkurborgar kallar því eftir aðgerðum sem tryggja að aldraðir jafnt sem aðrir fái markvissa þjónustu til að viðhalda þeim árangri sem næst við endurhæfingu. Mikilvægt er einnig að gert sé ráð fyrir viðvarandi endurhæfingu fyrir þá hópa sem búa við langvarandi eða lífslangar færniskerðingar.


Velferðarsvið Reykjavíkurborgar mælist jafnframt til að lögð verði aukin áhersla á þverfaglegt samstarf og samþættingu milli heilbrigðis- og félagsþjónustu, þar sem ólík kerfi geti unnið saman, með áherslu á einstaklingsbundna nálgun þar sem tekið er mið af aðstæðum og getu einstaklinga sem nýta þjónustu og framfærslu velferðarþjónustu. Í því sambandi er þó mikilvægt að tryggt verði að ekki skapist grá svæði á milli ríkis og sveitarfélaga og að hlutverk hvors aðila fyrir sig verði skýrt skilgreind.

Huga þarf vel að þeim notendum sem hafa um langt skeið verið utan vinnumarkaðar og / eða með stopula skólagöngu og eiga sögu um langvarandi félagslega erfiðleika. Hjá þeim hópi er mikilvægt að leggja aukna áherslu á atvinnutengda endurhæfingu og bjóða upp á skemmri endurhæfingu sem styður virkni og þátttöku í samfélaginu.

Velferðarsvið Reykjavíkurborgar telur gagnlegt að líta til regluverks í Noregi hvað varðar endurhæfingu notenda en þar mun vera skylt að leggja mat á þörf notanda fyrir endurhæfingu.

Velferðarsvið Reykjavíkurborgar leggur loks áherslu á að í allri endurhæfingu sé horft til færni og virkni og að aðgengi að sérhæfðri endurhæfingu sé tryggt án óhóflegs biðtíma.

Virðingarfyllst,
f.h. velferðarsviðs Reykjavíkurborgar



Lilja Sigríður Jónsdóttir,
lögfræðingur